

# [VIDEO] Kilang haram diserbu lagi, MB beri amaran kepada ketua jabatan

Oleh SYAMILAH ZULKIFLI [Follow](#)

27 Mei 2024 05:32pm Masa membaca: 4 minit



SEREMBAN - Berpuluh-puluh tan komponen barangan elektrik dan elektronik, logam serta plastik ditemui di dua kilang yang menjalankan aktiviti peleburan kitar semula secara haram di Kuala Sawah, Rantau dekat sini pada Isnin.

Lokasi premis berkenaan yang agak tersorok dan dilengkapi kamera litar tertutup(CCTV) itu terletak kira-kira 500 meter dari Sungai Linggi dan Loji Rawatan Air Linggi.

Ia dikesan dalam operasi bersepadu Op Toksik 3 yang melibatkan 90 anggota daripada pelbagai agensi.

Apa yang membimbangkan, pemeriksaan mendapati terdapat kesan pencemaran air hasil limpahan sisa bahan kitar semula di sekitar kawasan premis memandangkan keadaan barangan terbabit yang diletakkan secara terdedah.

Menteri Besar, Datuk Seri Aminuddin Harun yang turut turun padang nyata kesal apabila premis terbabit didapati telah pun beroperasi sejak tiga tahun lalu, tanpa diambil tindakan oleh pihak berkuasa.

Kecewa dengan keadaan itu, beliau dengan serta merta mengarahkan ketua jabatan bertanggungjawab agar mengeluarkan surat tunjuk sebab kepada pegawai yang menjaga kawasan berkenaan.